

# PYRO - KALT WIE STAHL

MI VATER ISCH KALT WIE STAHL MINI MUETTER EXPLOSIV  
I WIRD BEZEICHNET ALS DR FORTSCHRITT VO DR TECHNOLOGIE  
GEBORE IN DR INDUSTRIE ALS RESOURCE VO DR STAATSMACHT  
WO MI IN HEIKLE SITUATIONE WIDR USPACHT UND SCHARF MACHT  
GLAGERET IM BUNKER ZWÜSCHE AKTE UND WAFFE  
LACKAFFE IN KRAWATTE WO DR GANZI DAAG SCHAFFFE  
JEDE KRIEGT E BLASSE – ELLAI SCHO AB MIM ABLICK  
WURUM WEISS I NID, I HA KEI AHNIG WASI AARICHT  
I WART UF E DAAG X WO SICH MI EIGESCHAFT ZEIGT  
I WEISS NID WASI BEWIRK, ZU WAS I EIGENTLIG NEIG  
MI WÄG VOM LABOR INS LAGER ISCH WIE VO PARIS BIS NACH DAKKER  
UND WONI ANE BROCHT BI WORDE HANI GMEINT I HAS GSCHAFFT KA  
DOCH NADA, MEH LEGT MI AB – UNNÜTZ UND OHNI DAAGESLIECHT  
ME MEINT DAS EIN WIE ICH UF SI YYSATZ NO BITZ WARTE MIESST  
SO WART I JOHRELANG – ELLAI, VERSTAUBT UND ISOLIERT  
WO ZYYT ZU ZYYT WIRD WIDR E TEIL VOM R REVIDIERT  
**BIS EINES DAAGES EINE MEINT SO JETZT ISCH DINI ZYYT KO  
SI HÄN MI HOCHGLANZPOLIERT VERLADE UND MITGNOH.**  
IN LASTWÄGEEKORTE AN FLUGHAFE SPEDIERT  
DEN PER FLUGZÜG GFLOOGE IN E KRISEGEBIET  
VERKAUFT AN E STAAT WO S LAND DURCH E DIKTATOR REGIERT  
IM DIENSCHT FÜRS EIGENE LAND DAMIT SICHS AN DR WALL STREET RENTIERT  
MEH HET MINI REISEPÄSS GFÄLSCHT DAMIT SICH NIEMER GENIERT  
UND SICH ZWÄGGS LANDESVEROOT BI SINE BÜRGER BLAMIERT  
PRODUZIERT ZUM VERKAUFT WÄRE LIGI WIDR UF LAGER  
DR ROST ALS KUMPANE ERWIIST SICH ALS E KRITISCHE NAGER  
SO WIT ISCH ALLES KLAR DOCH I FÜHL MI BITZ VERARSCHT WILL  
I MR VORKUM WIENE ERSATZTEIL – WO ME NIT HA WILL  
UND MINI BSITZER KRATZTS NID DASS I STÄNDIG NUMM IM KÄLLER SCHMOR  
MINI GEGNER SIND DR MEINIG MI DO SI SIG FÜR D WÄLT E GFOOHR  
ACH WAS VO WÄGE I BI SO SCHWER UND SO NE TRÄGE  
KA MI NID RICHTIG BEWEGE UND MINI MEINIG NID SAAGE SO WAS  
WILLI MACHE HE ? I GLAUB NID DASI BÖS BI  
UF EIMOL MERKI WIE JEDI SCHNALLE UM MI UME GLÖST WIRD  
**MEH ZERRT MIT UF D LADERAMPE UND DECKT MI HASTIG ZUE  
E TYP KUNT ZU MIR UND SCHRYBT UF MI SI NAME MIT BLUET**  
MEINT MACHS GUET – FÜRS VATERLAND- UND ZIEHT WITR UF E HÜGEL  
I WIRD UFGLÜPFT ZUM FLUGZÜG MONTIERT UF E LINKE FLÜGEL  
E STUND LANG BANG I UM D EXISTÄNZ BIS DÄ FLIEGER STARTET UND ABHEBT  
I SCHMECK S LETSCHT MOL E LANDSCHAFT WO NACH ÄRDE UND WAND SCHMECKT  
DR WIND PEITSCHT MR INS GSICHT ISCH DAS D ERLÖSIG FÜR MI  
UND FALLS ME SICH NÜM GSEHT MAMA NID BÖS SI UF MI  
TURBINE KREISCHE UM MI WOLKE REFLEKTIERE UF MIM STAHLGWAND  
ICH NEIG MI EM SCHICKSAL WILLI KAI ANDERI WAHL HA  
ISCH DAS ÄND ODER AFANG BESTIMMIG ODER SCHICKSAL  
US DR VOGELPERSPEKTIVE GSEHNI KINDER UF EM SPIELPLATZ  
FLIEG ÜBER WÄLDER, WISE WÜESTE UND STEPPE  
GSEH MENSCHEN WO D NATÜR VERWUESCHTE MENSCHEN WO SI RETTE  
**DÄNG WIE SCHÖN WÄRI DIE WÄLT OHNI DR GLOBALI GÄLDFLUSS  
MINI HALTERIG LÖSST SICH UND ICH „SCHWÄB DURCH D ÄRDLUFT“**  
ALLES GOHT SCHNÄLL– DR GRUND KUNT UF MI ZUEH  
KAI AHNIG WAS PASSIERT – ISCH DAS SCHLÄCHT ODER GUET ?  
TUES DAS WEH ? ICH HA ANGSCHT, DR BODE VOR DE AUGEN  
UNTER MIR E MASSE MENSCHEN – E RISEHORDE AM LAUFE  
MÄNNER HÜHLE, FRAUE SCHREIE UND KINDER KREISSCHE  
I GSEH UF EM HÜGEL E WIISI FAHNE MIT EM FRIEDENSZEICHE  
ERSCHT WONI MERK WIE NE SOG VOLLER SORGE ÜBER MIT HÄRFALLT....  
... KNALL I FRONTAL IN RICHTIG ÄRDBALL